

Poesias

Autor(en): **Tomaschett, Paul**

Objektyp: **Article**

Zeitschrift: **Annalas da la Societad Retorumantscha**

Band (Jahr): **83 (1970)**

PDF erstellt am: **30.06.2024**

Persistenter Link: <https://doi.org/10.5169/seals-229248>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Poesias

Paul Tomaschett, Lucerna

Jeu sun in vagabund

Jeu sun
in vagabund,
e tuttas vias
ein las mias.

Jeu sun
in vagabund,
e tuttas uras
ein spir fluras.

Jeu mond
gironde il mund,
e tut che conta
mo: SPERONZA.

Tgi tonsch'a mi il maun?

Jeu tscherchel
bein marvegl
in punct,
mo sfundrel
el turmeagl
dil di,
profund.

Tgi tonsch'a
mi il maun
per ir
sur punt,
che meina
al sulegl
tramunt?

Pren mei cun tei!

Tgi va
giun via
caminond
endi —
aschi marvegl?

Pren mei
cun tei, o
viandont
ensi —
si el sulegl!

Jeu tscherchel . . .

Jeu tscherchel
fortuna,
e sbagliel.

Jeu cattel
speronza,
e sperel.

Jeu anflel
carezia,
e siemiel.

Ti eis pigns

Ti'egliada
furar
less neblas
e tschiel
per veser
gl'infinet.

Mo ti palpas
afuns
egl agen
intern
per sentir
il limit.

Cu l'ura dat

L'ura gronda petga, marcla
temps da notg e temps da di.

Cu, la mort cun faultsch u farcla
tucca mei e tei? endi?

Tiara greva zuglia, cuarcla
tei e mei, nus tuts, in di.

A mesa via

A mesa via
schais sderaus per tiara
en ina sanganada.

Negin che uarda
tei, amiez la lozza,
cun membra zappitschada.

Tuts ein da prescha,
tuts, e spert schluetan
davos la cantunada.

Carezia scardalida

In til'envi,
in til'enneu —
ed in sco l'auter
vegn di per di pli paupers.

In til'envi,
in til'enneu —
ed ei vegn mender
cun mo tgisar, pretender.

In til'envi,
in til'enneu —
e cun la mala
la tila vegn fatala.

Ti fetgas el lontan tiu egl

Sulegl da stad barslenta
e brassa tutta schenta
che schai e pusa da smarschun
sin sutgas verdas el sablun.

Tuts siemian ni cupidan,
buc in cun tei segida;
persuls ti fetgas el lontan
tiu egl, tschercond in punct, envan.

L' empermischun

Ils pli davos radis
seforan
tras feglia d'ulivas
e fan tremblar
la glischur che tschorventa.

Mo prest la rudiala
sefundra
davos las collinas
laschond a nus
per damaun la speronza.